



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXVII. Designantur Urbes nonnullæ Italiæ tamquam insigniores, in quibus
ii ex Ordine Fratrum Eremitarum Sancti Augustini, qui per decennalem
Prædicationis cursum Magisterium in Ordine adipisci ...

[urn:nbn:de:hbz:466:1-74733](#)

super moderatione facultatum Protectorum Ordinum Regularium, aliisque Constitutionibus & Ordinationibus Apostolicis, necnon prefatorum Ordinis, Congregationum, & Provinciarum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis.

S. 3. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis alias in suo labore permanens, ad præmissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 14. Octobris 1733. Pontificatus Nostri Anno Quarto.

F. Card. Oliverius.

CXVII.

Designantur Urbes nonnullæ Italæ tamquam insigniores, in quibus ii ex Ordine Fratrum Eremitarum S. Augustini, qui per decennalem Prædicationis cursum Magisterium in Ordine adipisci quærunt, Quadragesimales Conclaves, vel decennales habere debeant.

C L E M E N S P A P A X I I .

Ad futuram rei memoriam.

S. 1. Exponi Nobis nuper fecit dilectus filius Nicolaus Antonius Schiäffinati, Prior Generalis Ordinis Fratrum Eremitarum Sancti Augustini, quod in Capitulo Generali ejusdem Ordinis anno 1685. in alma Urbe celebrato, statutum fuit, ut ii dumtaxat Fratres Ordinis prædicti intra Italiam ad Magisterii lauream promoverentur, qui vel per quinquennium munus Regentis Studiorum obivissent, vel per decennum Dei verbum in insignioribus seu principalioribus ipsius Italæ Ubibus cum plausu justaque fama prædicassent. At cum sèpsum animadversum sit, postrema ejusmodi statuti verba incertum & nimis late parentem sensum continere aut recipere, indeque non raro contingere posse, quod nonnullæ Italæ Urbes ab aliquo Priore Generali dicti Ordinis (cujus est, dubia illius statuta interpretari) non habeantur inter insigniores, quæ ab aliis Prioribus Generalibus, pro varia cujusque animi affectione, tales antehac reputatae fuerint, aut imposterum reputentur; siquicunque concilio Quadragesimali, vel Annali, per Religiosos ejusdem Ordinis habita, inter legitima requisita ad Magisterium assequendum sit quandoque adnumerata vel adnumeranda, & vicissim quandoque responda; hinc ipse Nicolaus Antonius Prior Generalis ad istam ambiguitatem tollendam, certamque in præmisso normam deinceps firmandam atque stabilendam, cum sua Congregatione, ac etiam consensu novissimi Capituli Generalis dicti Ordinis, opportunum censuit, per Decretum ab eo desuper editum determinare, ac nominatim exprimere Urbes Italæ, quæ insigniores reputari deberent quoad Concionem Quadragesimalem & Annalem, pro adipiscendo Magisterio in Ordine præfato requisitam, in hunc modum, videlicet.

Designatio per Priorum.

Ancona, Andria, Bari, Bologna, Firenze, Genova, Livorno, Messina, Napoli, Padova,

Palermo, Pavia, Perugia, Pistoja, Rimino, Roma, Siena, Trevi, Udine, Venezia, Verona, Vicenza; e purché le dette Predicazioni siano principiate almeno dalla Festa di tutti i Santi, e proseguite in tutti li giorni Festivi sino alla terza Festa del Santo Natale; Dichiarando in oltre, ed espressamente determinando, che sotto questa medesima legge siano, e s'intendano compresi anco quei Predicatori Generali già approvati, e che non hanno seguito finora il grado del Magistero. Saranno ancora approvate per requisiti, come sopra, le Predicazioni Quaresimali, che avranno fatto per una sola volta rispettivamente nelle infrascritte Chiese Catedrali, cioè: Ancona, Aquila, Aversa, Bari, Bergamo, Bologna, Brescia, Capua, Catanzaro, Celena, Chieti, Cosenza, Faenza, Fermo, Ferrara, Firenze, Foggia, Foligno, Genova, Imola, Lecce, Livorno, Mantova, Matera, Messina, Milano, Modena, Napoli, Padova, Palermo, Parma, Pavia, Perugia, Pesaro, Piacenza, Pisa, Pistoja, Prato, Rimino, Roma in una delle Basiliche, Salerno, Siena, Sorrento, Taranto, Terni, Torino, Trevi, Udine, Venezia, Verona, Vicenza, e Viterbo; Siccome ancora si approveranno in tal forma i Quaresimali, che fogliano da noi darci per le Chiese dell'Ordine, efflenti nelle suddette, ed in altra Città, riferendo al nostro arbitrio di approvare, in qualità pure di requisito, l'Annale di Genazzano, per la venerazione, che portiamo a quel Santuario.

S. 2. Cum autem, sicut eadem exposicio subiungebat, prædictus Nicolaus Antonius Prior Generalis, præmissa, quæ firmius subsistunt, ac exactius serventur, Apostolicæ confirmationis Nostræ patrocinio communiri, ac alias in præmissis opportune a Nobis providere summopere desiderer; Nos, ipsum Nicolauum Antonium Priorem Generalem specialibus favoribus & gratia prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quonodolibet innodus existit, ad effectum præsentium dumtaxat consequendum harum serie absolventes & absolum fore censemtes, supplicationibus ejus nominis Nobis super hoc humiliter porrectis inclinati, Decretum præsertum super designatione Urbium Italæ, quæ pro Conclione Quadragesimali & Annali, requisita ad Magisterium in Ordine præfato assequendum, insigniores habende & reputande veniunt, sicuti præmititur, editum, auctoritate Nostra Apostolica tenore præsentium approbamus & confirmamus, illique inviolabilis Apostolicae firmitatis robur adjicimus, ac omnes & singulos juris & facti defectus, si qui defuserit quomodolibet intervenerint, supplemus.

S. 3. Volumus præterea, ac eadem auctoritate declaramus, Decretum præsertum etiam locum habere quoad Fratres dicti Ordinis, qui decennum Concionum hujusmodi cum approbatione ejusdem Ordinis Priorum Generalium, ipsius Nicolai Antonii antecessorum, jam explisse existimat, nondum tamen ad Magisterii lauream promoti fuerunt, illosque comprehendere; ita ut conciones, ab eis peractæ, etiam a dictis Prioribus Generalibus approbatæ, vim legitimi ad præmissa requisiti non obtineant, nisi in aliqua ex designatione Ubibus habita fuerint.

S. 4. Decernentes, ipsas præsentes literas semper firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat & pro tempore quandocumque spectabit, inconcusse observari, illisque respectice plenissime suffragari;

Conferma-
tur.

Hæc vero declaratio in præjudicium illorum causarum ca-
dere non debet, qui jam decennum cursum alibi explevere.

Clausulæ.

gari; Sicque in præmissis per quoscumque Judices ordinarios & delegatos, etiam Causarum Palati Apostolici Auditores, judicari & definiiri debere; ac irritum & inane, si fecus super his a quoquam quavis auctoritate scienter vel ignoranter contigerit attentari.

§. 5. Non obstantibus præmissis, ac Constitutionibus & Ordinationibus Apostolicis; necnon, quatenus opus sit, predicit Ordinis, aliis quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo labore permanens, ad præmissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 10. Novembris 1733. Pontificatus Nostræ Anno Quarto.

F. Card. Oliverius.

CXVIII.

Confirmatur Decretum Congregationis Episcoporum & Regularium circa electionem, vel substitutionem Visitatorum Provinciæ Portugalliae ejusdem Ord. S. Augustini.

Dat. die 23.
Nov. 1733.
Pont. An. IV.

C L E M E N S P A P A X I I .

Ad perpetuam rei memoriam.

Petitio.

§. 1. Nuper pro parte dilectorum filiorum Emanuelis de Alburquerque Prioris Provincialis, ac Definitorum Provinciae Portugalliae Ordinis Fratrum Eremitarum S. Augustini, Congregationi Ven. Fratrum Nestrorum S. R. E. Cardinalium, negotiis & consultationibus Episcoporum & Regularium præpositæ, exposito, quod, cum in Constitutionibus dicti Ordinis Apostolica auctoritate confirmatis part. 3, cap. 14. num. 5. ubi agitur de electione Visitatoris seu Visitatorum, habeatur, ut eveniente casu obitus, vel alterius deficientie Visitatoris sive Visitatorum in Capitulo Provinciali electorum, si id ante Congregationem intermedium contingat, ad eandem Congregationem vocari debeant Visitator seu Visitatores præcedentis Capituli Provincialis; si vero post prædictam Congregationem accidat, jus sit Definitorio privato, alium seu alios in locum deficientium eligendi ac deputandi; In Provincia autem præfata quædam inter duas ejus filiationes seu partialitatem alternativa per f. re. Innocentium PP. XII. Prædecessorem nostrum, stabilita sit, cui omnes ejusdem Ordinis Constitutiones aptatae fuerint, ac ubi de electione Visitatorum sermo est, disponatur quod duo Visitatores ipsius Provinciae juxta alternativam hujusmodi elegantur, unus ex una, & alius ex altera filiationibus: ac deficiente alterutro ante dictam Congregationem intermedium, succedat alius ejusdem filiationis Capituli proximioris: & si nullus inveniatur illius filiations, qui succedere possit, eligatur a Definitorio alius filiations prædictæ: sicut si deficiat post Congregationem intermedium prædictam; licet hujus dispositionis intelligentia & explicatio, in postremis verbis aliquantum subobscura, desumenda videretur a clariori & literali dispositione supradictarum Constitutionum in casu cujuscumque deficientie Visitatoris post-

dictam Congregationem intermedium; nihilominus Exponentes prædicti ad evitandas contentiones sive controversias, quæ ex ejusmodi verborum ambiguitate excitari possent, memorata Congregationis Cardinalium sententiam desuper exquirere opportunum duxissent: ab eaque petiissent, quatenus declarare ac definire vellet: An eveniente casu deficientie unius vel utriusque Visitatoris post celebrationem Congregationis intermediae, electio substituendorum ad Definitorum privatum spectet: seu potius ad officium hujusmodi Visitatores Capituli præcedentis assumendi sint, prout assimi debent, si deficientia ante celebrationem dictæ Congregationis intermediae contigisset in casu &c. Emanavit ab eadem Congregatione Cardinalium Decretum tenoris, qui sequitur:

Sacra Congregatio Eminentissimorum & Reverendissimorum S. R. E. Cardinalium, negotiis & consultationibus Episcoporum & Regularium proposta, referente Eminentissimo Cardinali Gotti Ponente, attenta relatione Patris Procuratoris Generalis Ordinis, re mature perpensa, censuit decernendum, prout decrevit & declaravit: Affirmative ad primam dubii partem, & negativo ad secundam; dummodo tamen non sit completa Visitatio, nam Visitatione completa, nec electioni nec substitutioni locus erit. Romæ 13. Novembris 1733.

S. Congregationis Decretum.

Card. Franciscus Barberinus.

I. Archiepiscopus Corin. Secretarius.

§. 2. Cum autem, sicut pro parte dictorum Emanuelis & Definitorum Nobis subinde expostum fuit, ipsi, Decretum hujusmodi, quod firmius subsistat, Apostolice confirmationis nostræ patrocinio communiri plurimum desiderent; Nos, ipsos Exponentes specialibus favoribus & gratis prosequi volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existunt, ad effectum præsentium dumtaxat consequendum, harum serie absolventes & absoluatas fore censentes, supplicationibus, illorum nomine Nobis super hoc humiliter porrectis, inclinati, Decretum præsentum auctoritate Nostra Apostolica tenore præsentum approbamus & confirmamus; illique inviolabilis Apostolicae firmitatis robur adjicimus: salva tamen semper in præmissis auctoritate Congregationis eorumdem Cardinalium.

§. 3. Decernentes, ipsas præsentes literas, semper firmas, validas & efficaces exifere & fore, suoque plenarios & integros effectus fortiri & obtinere; ac illis, ad quos spectat & pro tempore quandocumque spectabit, in omnibus & per omnia plenissime suffragari, & ab eis respective inconcuse observari; Sicque in præmissis per quoscumque Judices ordinarios & delegatos, etiam Causarum Palati Apostolici Auditores, judicari & diffiniri debere; ac irritum & inane, si fecus super his a quoquam quavis auctoritate scienter vel ignoranter contigerit attentari.

Harum Literarum obseruantia.

§. 4. Non obstantibus Constitutionibus & Ordinationibus Apostolicis; necnon, quatenus opus sit, Provinciae, & Ordinis prædictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis & innovatis.

Obstantium derogatio.

§. 5. Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis